



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**MOPHATO 12**

**SETSWANA PUOTLALELETSO YA BOBEDI (SAL)**

**PAMPIRI YA BOBEDI (P2)**

**NGWANAITSEELE 2011**

**MEMORANTAMO**

**MADUO: 80**

**Memorantamo o, o na le ditsebe di le 11.**

**KAROLO YA A: RUBORIKI YA TSHEKATSHEKO YA GO TSHWAYA TLHAMO (40)**

	<b>Khoutu: 7 Phitlhelelo ka dinaledi</b>	<b>Khoutu: 6 Phitlhelelo ka matsetseleko</b>	<b>Khoutu: 5 Phitlhelelo e e tletseng</b>	<b>Khoutu: 4 Phitlhelelo e e itumedisang</b>	<b>Khoutu: 3 Phitlhelelo ka tekano</b>	<b>Khoutu: 2 Phitlhelelo e e tlhaelang</b>	<b>Khoutu: 1 Ga a fitlhelela</b>
	<b>80 – 100%</b>	<b>70 – 79%</b>	<b>60 – 69%</b>	<b>50 – 59%</b>	<b>40 – 49%</b>	<b>30 – 39%</b>	<b>0 – 29%</b>
<b>DITENG LE IPAACKANYO (MADUO: 28)</b>	<b>22½ – 28</b>  -Diteng di matsetseleko le boithamedi jo bo kwa godimo. -Dikgopolo tse di tsibosang e bile di bontsha kgolo. -Ipaakanyo/maiteko a ntlha a tlhagisa tlhamo e e se nang diphoso e bile e kgatlhisa.	<b>20 – 22</b>  -Diteng di supa boithamedi. -Dikgopolo di na le boikakanyetso e bile di kgatlhisa. -Ipaakanyo/maiteko a ntlha a tlhagisa tlhamo e e bontshang kitso le go kgatlhisa.	<b>17 – 19½</b>  -Diteng di maleba e bile di na le kgolagano e e rileng/isehang. -Dikgopolo di a kgatlhisa le go usa pelo. -Ipaakanyo/maiteko a ntlha a tlhagisa tlhamo e ntle e e kgatlhisang.	<b>14 – 16½</b>  -Diteng di maleba e bile di tshwaragane sentle, di a kgatlhisa e bile di itlhametswe sentle. -Ipaakanyo/maiteko a ntlha a tlhagisa tlhamo e e kgotsofatsang e bile e kgatlhisa.	<b>11 – 13½</b>  -Diteng di magareng, tlwaelegile. -Go na le diphatlha tsa kamano. -Dikgopolo di maleba. -Boithamedi jo bo rileng. -Ipaakanyo/maiteko a ntlha a tlhagisa tlhamo e e lekaneng, e e kgatlhisang le go lomagana.	<b>8½ – 11</b>  -Diteng go le gantsi ga di tlhaloganyege. -Ga go kgolagano ya dintlha. -Dikgopolo tse di mmalwa e bile di boeleditswe. -Go sa lekaneng ga maemo a puotlaleletso ya bobedi ntle le maiteko a ntlha. -Tlhamo ga e a tlhagisiwa sentle.	<b>0 – 8</b>  -Diteng ga di maleba gotlhelele. -Ga go kamano. -Dikgopolo di gasagane le go boelediwa. -Ipaakanyo/maiteko a ntlha a tlhagisa tlhamo e e sa lekanang. -Tlhamo e e bokoa.
<b>PUO, SETAELE LE GO TSEREGANYA (MADUO: 7)</b>	<b>6 – 7</b>  -Puo le matshwao a puiso di dirisitswe ka tolamo. -Tiriso e e kgodisang ya dikapuo.	<b>5 – 5½</b>  -Puo le matshwao a puiso di lolame. -Tlhopho ya mafoko e siametse temana. -Setaele, segalo le rejisetara di maleba le setlhogo. -Bogolo ga go diphoso ka ntlha ya go buisa gape le go siamisa.	<b>4½</b>  -Go na le bosupi jwa tirisopuo e e usang pelo. -Puo le matshwao a puiso di nepagetse. -Tlhopho ya mafoko e siametse temana. -Setaele, segalo le rejisetara di siametse setlhogo. -Go le gantsi ga go na diphoso go ya ka go buisa gape le go siamisa.	<b>3½ – 4</b>  -Kitso e e rileng ya kgatelelo ya puo. -Puo e e botlhofo, matshwao a puiso a lekanetse. -Tlhopho ya mafoko e e lekaneng. -Setaele, segalo rejisetara di tsamaelana le ditlhokego tsa setlhogo. -Go sa ntse go na le diphoso tse di mmalwa.	<b>3</b>  -Puo e e mo magareng, matshwao a puiso ga a dirisiwa ka nepo, fa gongwe a fosagetse. -Tlhopho ya mafoko e e sa reng sepe. -Setaele, segalo, rejisetara di tlhoka kgolagano. -Go na le diphoso.	<b>2½</b>  -Go na le diphoso tsa puo le matshwao a puiso. -Tlhopho ya mafoko a mannye. -Setaele, segalo, rejisetara ga di a lekana. -Go diphoso.	<b>0 – 2</b>  -Puo le matshwao a puiso di fosagetse gotlhelele. -Tlhopho ya mafoko ga e a lekana. -Setaele, segalo le rejisetara di fosagetse gotlhelele.

	<b>4 – 5</b>	<b>3½</b>	<b>3</b>	<b>2½</b>	<b>2</b>	<b>1½</b>	<b>0 – 1</b>
<b>KAGEGO</b> <b>(MADUO: 5)</b>	-Go ikamanya gotlhelele le setlhogo. -Diteng di maleba tota. -Dipolelo, ditemana di tlhamilwe ka tsela e e kgodisang. -Boleele bo maleba le ditlhokego tsa tlhamo.	-Go ikamanya thata le setlhogo. -Dipolelo le ditemana di tlhamilwe sentle. -Boleele ke jo bo lekaneng.	-Go ikamanya le setlhogo go go rileng. -Dipolelo le ditemana di tshwaragane sentle. -Boleele jo bo lekaneng.	-Dintlha dingwe tse di tlhokegang di tlhagisitswe. -Dipolelo le ditemana di fosagetse mme tlhamo e na le tlhaloganyo. -Boleele ke jo bo lekaneng.	-Bontsi jwa dintlha bo tlhagisitswe. -Dipolelo, ditemana di ka ne di fosagetse fela tlhamo e na le tlhaloganyo. -Boleele ke jo bo lekaneng.	-Go tswa mo setlhogong ka dinako dingwe mme o sa kgone go tlhaloganya dikakanyo, dipolelo le ditemana. -Boleele – tlhamo e telele/khutshwane thata.	-Go tswa mo setlhogong gotlhelele. -Dipolelo le ditemana di tlhakatlhakane. -Ga go na tatelano. -Boleele – tlhamo e telele/khutshwane thata.

**KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (20)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlaelang</b>	<b>Khoutu 1: Ga a fitlhelela</b>
	<b>80 – 100%</b>	<b>70 – 79%</b>	<b>60 – 69%</b>	<b>50 – 59%</b>	<b>40 – 49%</b>	<b>30 – 39%</b>	<b>0 – 29%</b>
	<b>11½ – 14</b>	<b>10 – 11</b>	<b>8½ – 9½</b>	<b>7 – 8</b>	<b>6 – 6½</b>	<b>4½ – 5½</b>	<b>0 – 4</b>
<b>DITENG, TOMAGANO LE POPEGO</b>  <b>(MADUO: 14)</b>	-Kitso e e manonthotho ya ditlhokego tsa sethangwa. -Kwalo e e kwa godimo a sa fapoge setlhogo gotlhelele. -Ikamanyo e e matsetseleko le diteng tse di tshegetsang setlhogo. -Kagego e e nepagetseng gotlhelele.	-Kitso e kwa godimo ya ditlhokego tsa sethangwa. -Kwalo e e kwa godimo a sa fapoge setlhogo. -Melao ya kwalo ya sethangwa e dirisitswe ka botlalo.	-Kitso e e mo magareng ya sethangwa. -Kwalo e e maleba a fapogile go se nene. -Bogolo jwa sethangwa bo na le ikamanyo le diteng le dintlha tse di tshegetsang setlhogo. -Tiriso e e tletseng ya melao ya sebopego se se tlokegang.	-Kitso e e itekanetseng ya ditlhokego tsa sethangwa. -Kwalo e e itumedisang ya diteng le dikakanyo di tshegetsang setlhogo.	-Kitso e e lekaneng ya ditlhokego tsa sethangwa. -Kwalo e e itumedisang ya diteng le dikakanyo di tshegetsang setlhogo.	-Kitso e e potlana ya ditlhokego tsa sethangwa. -Kwalo e e potlana e e seng maleba ya diteng le dikakanyo di tshegetsang setlhogo. -Tiriso e e potlana, e e fosagetseng ya melao ya sebopego se se tlokegang.	-Go tlhoka kitso ya ditlhokego tsa sethangwa. -Ga go na tomagano ya diteng le dikakanyo. -Dintlha tse dinnye tse di tshegetsang setlhogo. -Ga go na tiriso ya melao ya sebopego se se tlokegang.
	<b>5 – 6</b>	<b>4½</b>	<b>4</b>	<b>3 – 3½</b>	<b>2½</b>	<b>1</b>	<b>0 – 1½</b>
<b>PUO, SETAELE LE GO TSELEGANYA</b>  <b>(MADUO: 6)</b>	-Tirisopuo e e nepagetseng e le mathagatlhaga. -Tlotlofoko e e kwa godimo e le maleba go tebo, baamogedi le bokao. -Tlhokego ya diphoso morago ga puiso le go tseleganya. -Boleele jo bo maleba.	-E tlhamegile bontle ka nepagalo. -Tlotlofoko e e maleba go tebo, baamogedi le bokao. -Bogolo jwa sethangwa bo se na diphoso tse dintsi morago ga puiso le go tseleganya. -Boleele jo bo maleba.	-E tlhamegile le go buisega bonolo. -Tlotlofoko e e maleba go tebo, baamogedi le bokao. -Setaele, segalo, rejisetara ga e e maleba. Go se diphoso tse dikalo morago ga puiso le go tseleganya. -Boleele jo bo maleba.	-Popego e e lekaneng. -Diphoso ga di kgoreletse kelelo. -Tlotlofoko e e lekaneng tebo, baamogedi le bokao. -Diphoso tse di mmalwa morago ga puiso le go tseleganya. -Boleele jo bo batlileng bo itekanela.	-O lekile popego, e na le diphoso tse dinnye. -Puo ga e ntsi e bile ga e a dirisetswa tebo, baamogedi mmogo le bokao jwa potso. -Boleele jo bo feteletseng kgotsa jo bokhutshwane thata.	-Kagego ga e maleba e bile go boima go bona kelelo. -Tlotlofoko e tlhoka go phekolwa e bile ga e tsamaelane le tebo, baamogedi le bokao. -Setaele, segalo le rejisetara ga di maleba gotlhelele. -Boleele jo bo feteletseng kgotsa jo bokhutshwane thata.	-Kagego ga e maleba e bile go boima go bona kelelo. -Tlotlofoko e tlhoka go phekolwa tota e bile ga e tsamaelane le tebo, baamogedi le bokao. -Boleele jo bo feteletseng kgotsa jo bokhutshwane go gaisa.

**KAROLO YA C: RUBORIKI YA GO TSHWAYA DITLHANGWA TSE DIKHUTSHWANE TSA TIRISANO/TSA TSHUPETSO/ TSHEDIMOSETSO/PONO TSE DI DIRISANG MEKGWA E E FAROLOGANENG YA TLHAELETSANO (20)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80 – 100%</b>	<b>70 – 79%</b>	<b>60 – 69%</b>	<b>50 – 59%</b>	<b>40 – 49%</b>	<b>30 – 39%</b>	<b>0 – 29%</b>
	<b>11½ – 14</b>	<b>10 – 11</b>	<b>8½ – 9½</b>	<b>7 – 8</b>	<b>6 – 6½</b>	<b>4½ – 5½</b>	<b>0 – 4</b>
<b>DITENG, PAAKANYO LE SEBOPEGO</b>  <b>(MADUO: 14)</b>	-Kitso e e anameng, e e kgethegileng ya ditlhokego tsa setlhangwa. -Bontsha temogo e e tletseng ya bokao jo bo anameng fa a kwala. -Go kwala go go rupeletsweng, moithuti o tswelatsa go tlhomama, ga a rathe sekgwa. -Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.	-Kitso e e kgodisang ya ditlhokego tsa setlhangwa. -Bontsha temogo e e anameng ya bokao mo ditlhangweng tse dintsi fa a kwala ditiro. -Go kwala go go rupeletsweng – moithuti o tswelatsa go tlhomama, ga a rathe sekgwa. -Go nyalelano ya diteng le dikakanyo, ditlhaloso di neetswe, mme diteng tsotlhe di tshegetsang setlhogo. -Bosupi jwa ipaakanyo/kgotsa ipaakanyetso ya kwalo ya tlhamo bo tlhagisitse tlhamo e e duleng diatla.	-Kitso e e siameng ya ditlhokego tsa setlhangwa. -Bontsha temogo ka kakaretso ya bokao mo ditlhangweng tse dintsi fa a kwala ditiro. -Go kwala – moithuti o tswelatsa go tlhomama, a sa itemogele dikgoreletsi tse di masisi. -Go le gantsi nyalelano ya diteng le dikakanyo, ditlhaloso di neetswe, mme diteng tse dintsi di tshegetsang setlhogo. -Bopaki jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgatlhisang.	-Kitso e e lekaneng ya ditlhokego tsa setlhangwa. -Bontsha temogo nngwe ya bokao mo ditlhangweng tse dintsi fa a kwala ditiro. -Go kwala – moithuti o ratha sekgwa, fela se, ga se kgoreletse maitlhamo a tiro ka kakaretso. -Nyalelano e e itumedisang ya diteng le dikakanyo, diteng dingwe di tshegetsang setlhogo. -Bosupi jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgotsafatsang.	-Kitso e e mo magareng ya ditlhokego tsa setlhangwa. -Bontsha tlhaelo e e rileng ya kitso ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng le dikakanyo. Go le gantsi e a tlhela. -Diteng tse di mmalwa di tshegetsang setlhogo. -Tiro ga e mo maemong a selekanyo sa puo e e tlhokegang, le fa tota a ipaakantse.	-Kitso e e tlhaelang ya ditlhokego tsa setlhangwa. -Bontsha tlhaelo ya kitso ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng le dikakanyo. Go le gantsi e a tlhela. -Diteng tse di mmalwa di tshegetsang setlhogo. -Tiro ga e mo maemong a selekanyo sa puo e e tlhokegang, le fa tota a ipaakantse.	-Ga go kitso ya ditlhokego tsa setlhangwa. -Bontsha go tlhoka kitso gotlhelele ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng tse di mmalwa tse di tshegetsang setlhogo. -Ipaakanyo/kwalo e e sa itumediseng ya tlhamo. Tlhagiso e e bokoa ya tlhamo.

	5 – 6	4½	4	3 – 3½	2½	2	0 – 1½
<b>PUO, SETAELE LE BOSUPI JWA PALO</b>  <b>(MADUO: 6)</b>	-Tlhagiso ya maemo a a kwa godimo ya melao e e maleba ya popego ya setlhangwa. -Thutapuo mo setlhangweng e nepagetse e bile e agegile ka bontle jo bo gaisang. -Tlotlofoko e e humileng, e le maleba mo maitlhomong, baamogeding le mo bokaong. -Setaele, segalo le tirisopuo di maleba go gaisa. -Setlhangwa se lebega se se na diphoso morago ga go buisiwa gape le go tlhotlwa diphoso. -Boleele bo nepagetse.	-Melao e e tlhokegang ya popego ya setlhangwa e dirisitswe sentle. -Setlhangwa se agilwe bontle, se nepagetse. -Tlotlofoko e maleba tota mo maitlhomong, baamogeding le mo bokaong. -Setaele, segalo le tirisopuo di maleba fa go lebeleletswe ditlhokego tsa tiro. -Setlhangwa ka kakaretso ga se na diphoso morago ga go buisiwa gape le go tlhotlwa diphoso. -Boleele bo nepagetse.	-Melao e e tlhokegang ya popego ya setlhangwa e dirisitswe sentle. -Setlhangwa se agilwe sentle, se buisega bonolo. -Tlotlofoko e maleba mo maitlhomong, baamogeding le mo bokaong. -Setaele, segalo le tirisopuo go le gantsi di maleba. -Setlhangwa go le gantsi ga se na diphoso morago ga go buisiwa gape le go tlhotlwa diphoso. -Boleele bo nepagetse.	-Kakanyo e e itumedisang ya ditlhokego tsa popego ya setlhangwa e dirisitswe. -Setlhangwa se agilwe ka go itumedisa. Diphoso tse di leng gone ga di kgoreletse kelelo ya dikakanyo. -Tlotlofoko ka tekano mo maitlhomong, baamogeding le mo bokaong. -Setaele, segalo le tirisopuo di siame, di maleba. -Setlhangwa se sa ntse se na le diphoso morago ga go buisiwa gape le go tlhotlwa diphoso. -Boleele bo nepagetse.	-Go kakanyo e e lekaneng ya ditlhokego tsa popego ya setlhangwa. -Setlhangwa se agilwe ka ditlhokego fela tse di tlhokegang. Diphoso di mmalwa. -Tlotlofoko e a tlhabela e bile ga e maleba mo maitlhomong, baamogeding le mo bokaong. -Tlhalelo ya setaele, segalo le tirisopuo fale le fale. -Setlhangwa se na le diphoso tse di mmalwa morago ga go buisiwa gape le go tlhotlwa diphoso. -Boleele jo bo fetang tekano/setlhangwa se se khutshwane thata.	-Go tlhalelo ka kakaretso mo tirisong ya melao e e tlhokegang ya popego ya setlhangwa. -Setlhangwa se agilwe bokoa e bile se thata go se tlhaloganya. -Tlotlofoko e tlhokwa go boeletswa, mme ga e maleba mo maitlhomong, baamogeding le mo bokaong. -Setlhangwa se na le diphoso tse di thibang letsatsi, le mororo se buisitswe gape le go tlhotlwa diphoso. -Boleele jo bo feteletseng/setlhangwa se se khutshwane.	-Ga go a dirisiwa melao ya popego ya setlhangwa. -Setlhangwa se agilwe bokoa e bile go thata go se tlhaloganya. -Tlotlofoko e tlhoka go boeletswa ka tsenelelo, mme ga e maleba mo maitlhomong, baamogeding. -Setlhangwa se diphoso gotlhe tse di thibang letsatsi, e bile go tlhakatlhakane gotlhe. -Boleele jo bo fetang tekano/setlhangwa se se khutshwane thatathata.

## **KAROLO YA A: TLHAMO**

### **POTSO 1**

#### **MEFUTA YA DITLHAMO**

#### **TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba.
- Go tshwanetswe go elwa tlhoko gore mofuta o wa tlhamo o a anela.

#### **TLHAMO YA TLHALOSO**

Mokwadi mo tthamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go tlhalosa setshwantsho kgotsa setlhogo ka mafoko a a rileng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoledi.
- Motlhatlhojwa a bontshe fa a na le maitemogelo mo setlhogong se.

**PALOGOTLHE YA KAROLO YA A: 40**

## **KAROLO YA B: DITLHANGWA TSE DILEELE TSA TIRISANO**

### **POTSO 2**

#### **2.1 MMUISANO/PUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba aroganya dikakanyo kgotsa ba buisana ka setlhogo sengwe se se rileng. Sebopego sa ona ke sa dipotsotherisano fela ona o dirisiwa gongwe le gongwe ke mongwe le mongwe.

Dintlha tse di tshwanetseng go elwa tlhoko:

- Mmuisano o kwalwa ka mokgwa o moterama a kwalang ka ona.
- Go nna dibui di le pedi kgotsa go feta.
- Go nna le setlhogo se se rileng se go buisanwang ka sona, sekao, rre le mme ba buisana ka dijo tse di siametseng mebele ya bona.
- Dipolelo tsa dibui di nne dikhutshwane.
- Diteng di supe boithamedi kelelo ya dintlha le go tsamaelana ga setlhogo.
- Maina a dibui a tshwanetse go tlhagelela sentle.
- Matseno, mmele le bokhutlo di dirisiwe sentle.
- Kgang e bontshe setlhoa le tharabololo.
- Puo le moonono di tsamaelane le setlhogo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

#### **2.2 LEKWALO LA SEMMUSO**

Lekwalo la semmuso ke le le kwalelwang mmasepala wa kgaolo ya lona o ikopela thuso ya madi a go tswelletsa dithuto.

Dintlha tse di tshwanetseng go elwa tlhoko:

- Go se ke ga nna le diphoso mo lekwalong le.
- Motlhatlhojwa a dirise puo le mafoko a a maleba a go kopela tsala ya gagwe thuso ya madi.
- A kwale dinomoro tsa megala kwa o ka fitlhelelwang gona fa a tlhokiwa ke mmasepala.
- Motlhatlhojwa a kwale diaterese di le pedi, ya gagwe le ya motho yo a mo kwalelang.



### 2.3 PEGELO

Pegelo ke tlhaloso e e rulagantsweng ya ditiro kgotsa ditiragalo, maitemogelo le diphitlhelelo tsa motlhatlhojwa. Pegelo e neelana ka kitsiso ka ga bakgweetsi ba ba neng ba kgweetsa ba nole bojalwa e bile ba sa obamele melao ya tsela. E thusa go boloka molaetsa kgotsa tiragalo nngwe ya botlhokwa mo setheong.

Dintlha tse di tshwanetseng go elwa tlhoko:

- Setlhogo sa pegelo se bolela sentle gore e ka ga eng.
- Motho yo o tshwanetseng go amogela pegelo o tlhagisitswe.
- E kwadilwe ka pakapheti.
- Dintlha tsa botlhokwa di totobaditswe.
- Ditlhogwana di kwadilwe ka ditlhaka tse dikgolo.
- Ditlhogwana di neilwe dinomoro gore di fitlhelelwe bonolo.
- Motlhatlhojwa o kwadile mosaeno le letlha le a kwadileng ka lona.

### 2.4 LEKWALO LA BOTSALANO (Lekwalo la go akgola)

Lekwalo la botsalano ke le le kwalelwang tsala kgotsa mongwe mo lesikeng, motlhatlhojwa o tshwanetse go dirisa segalo se se mo magareng.

Dintlha tse di tshwanetseng go elwa tlhoko:

- Lekwalo le, le le khutshwane, mme diteng tsa lona di tshwanetse go tlhagisa ka moo moithuti a akgolang tsala ya gagwe, ka katlego e a e fitlhetseng mo dikgaisanong tsa mmimo.
- Go se ka ga nna le diphoso mo lekwalong le.
- Motlhatlhojwa a neelane ka mafoko a a maleba a go akgola.
- Motlhatlhojwa a kwale aterese e le nngwe, aterese e se nne le lebokoso la poso le nomoro ya ntlo ka nako e le nngwe.

**PALOGOTLHE YA KAROLO YA B: 20**

## KAROLO YA C: DITLHANGWA TSE DIKHUTSHWANE TSA TIRISANO

### 3.1 PHASALATSO

- Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona. Mophasalatsi a ka dirisa dikuranta, dipampitshana, dimakaseni, seyalemowa, thelebišene go lemosa babuisi ka ga tsona.
- Mophasalatsi o tshwanetse go ngoka le go tsibosa babuisi ka ga porojeke e e tla dirwang mo tshimong ya kereke ya lona.

Dintlha tse di tshwanetseng go elwa tlhoko:

- Dirisa mokwalo o o bonalang e bile o buisega sentle. Sebopego le fonto (mokwalo). Nonfo ya tlhopho ya mmala kgotsa go tlhokagala ga mmala.
- A bontshe dinomoro tsa mogala le lefelo le mophasalatsi a ka fitlhelwang kwa go lona, sekao kerekeng.
- Go ngoka kgatlhego ya mmuisi.
- E bake keletso ya go rua kungo kgotsa tirelo eo.
- E dire gore mmuisi tota a ye go reka kgotsa a dirise kungo kgotsa tirelo eo.
- Bareki kgotsa badirisi ba ba tobiweng.
- Nako e papatso e tlhagisiwang ka yona.

### 3.2 TALETSO

Taletso ke karata e e dirisetswang go laletsa ba ga rre Moilwe moletlo wa tshirololo ya letlapa la ga rremogolo wa gago.

Karata e kwalwa ka **mmegi**, ka jalo ga go dirisiwe, ke, re, o.

Dintlha tse di tshwanetseng go elwa tlhoko:

- Leina la motho yo o romelang taletso.
- Leina (ditlhaka tsa ntlha tsa maina) le sefane tsa molalediwa.
- Bolela gore se moeng a lalediwang kwa go sona ke eng, sekao, tshirololo ya letlapa la ga rremogolo wa gago.
- Fa go tlhokega bolela lebaka la moletlo.
- Neela lefelo, letsatsi, letlha le nako ya moletlo.
- Ka kopo araba (R.S.V.P) neela letlha le balalediwa ba tshwanetseng go araba ka lone.
- Bolela mokgwa wa moaparo o o tlhokegang, sekao, makgethe a a lokologileng.

### 3.3 DITAELO

Ditaelo ke tshedimosetso ya botlhokwa e e tlhagisiwang pele go diragadiwa kana go diriwa tiro nngwe e e rileng. Ditaelo di tlhagisa tshedimosetso mabapi le se se diriwang gore se diriwe leng, kae, jang. O laetswe go nna motlhokomedi wa nakwana mo phaposiborutelong.

Dintlha tse di tshwanetseng go elwa tlhoko:

- Go neetswe dintlha tsa tshedimosetso tse di tlhokegang.
- Se se tshwanetseng go dirwa se tlhagisitswe ka botlalo.
- Mokgwa o tiro e e laelwang e tshwanetseng go dirwa ka ona o tlhagisitswe.
- Dipolelo tsa motlhatlhojwa di dikhutshwane, di a tshwarega e bile di gakologelwa bonolo.
- Puo e bonolo e bile e a tlhaloganyega.
- Ditaelo di tlhagisitswe ka dintlha e seng temana.

**PALOGOTLHE YA KAROLO YA C: 20**  
**PALOGOTLHE: 80**